

# EL CUÉLEBRE

Pues señor, era una vez un rapacín que iba a echá las oveyas h.uera a una cabaña que tenía na peñe y vió una culiebrina chica. Y la culiebrina na más que lu vió escapó a escondese entre los cuetos. Pero ellí empezó a echa-y leche nun pocín que ha-bía na piedra, y las primera veces l'animalín escondíase d'ellí, pero después de velu bastantes veces ya no s'escondía y comía la leche delante d'ellí. Y así, el rapacín tomó la costumbre de chiflar cada vez subía a la peñe y no vía la culiebrina y ella, que yá lu conocía muy bien, salía a beber la leche. Y el tiempu pasó y el rapacín héciöse mozu y tuvo que dir a la mili y cuando vieno dijo-yos a los padres que iba a la peñe a ve la culiebrina, y ellos no querían, por miedu a que no lu conociera y lu picara. Pero ellí no atendió a razones y subió a buscá la so culiebrina. Subió a la peñe y chiflo-y (La informante chifla unas cuantas veces). ¡Ai!, cuando la vió tuvo munchísimu miedu, porque la culiebrina era un cuélebre grandísimu. Y cuando vió'l mozu, conociólu d'aquella mismu y empezó a enroscáse-y pel piscuezu de lo munchu que lu quería, y tanto apretó que lu ahogó. Y los padres, al ver que'l h.iyu tardaba, empezaren a preocupase y salieren a buscalu a la peñe. Y Cuando llegaren al ilugar onde'l rapaz-y echaba la leche a la culiebrina, h.allaren al mozu muertu, ahogau pola so amiga la culiebrina, que ahora era tan grande que metía miedo.



Informante: Secundina Cueto Foyo, 75 años. Lugar: Borbudín (Mestas d'Ardisana-Llanes)

Cuentos populares recoyíos en Valle d'Ardisana (Llanes).  
M<sup>a</sup> Aurina González Nieda.

Imaxe: <http://www.asturiasyenatural.es>